

兩
浙
輶
軒
錄

兩浙輶軒錄卷二十六目

丁敬 張暘 陳兆喟 施廷樞 馮準治

洪簡 洪鶴書 許震元 許升元 蔡朱源

戴祿元 張作 吳穎芳 施安 嚴際昌

沈碧 張濟川 周二學 吳世昌 田嘉穎

翁光選 李震鷺 朱振祖 朱翰宣 戚王遵

夏葛 沈孔鍵 范從徹 周洪 劉顯祖

鍾省 吳尊泰 徐衍 商璉 張喬林

陳維屏 陳諒 胡尊古

兩浙輶軒錄卷二十六

督學使者阮元

丁

敬字敬身號龍泓山人又自號鈍

杭州府志文苑傳敬作家江干少不習舉子業年甫冠始折節讀書為詩造語奇峭好金石文字窮巖絕壁手自摹搨書以志傳著武林金石錄分隸皆入古而於篆尤篤善學印然非性命之辨不能得其一字碧谿詩話龍泓先生嘗應丙辰鴻博之舉生平刻苦作詩葉鶴笙文集有與丁敬身札云前在晚松坐下遲我兄不至甚以為恨及見尊製為之嗟服汪子宜先生云有此作詩工夫何如速來一聚語雖戲蓋亦真情也云云觀此可想見前輩作詩之苦心先生博學好古書工大小篆筆如屈鐵精刻印章人得其一寶如球琳嗜金石文愛之等於性命

游佛日淨慧寺

古寺空山中幽僻足遐企來遊况佳侶瀟灑得把臂虛欄拱
靈籟一聽含眾異微月破春暝疎梅耿寒意心魂清佛火短
榻翻可棄明當討陳跡歷證鮮于記

觀梅蔚十六羅漢畫冊

宣城梅氏饒畫筆瞿山聽山雄相當中間蔚也更秀絕人物
迥迥元宋唐卽如此冊所畫小身羅漢一十六一一精彩無
低昂或從苔厂眼定度千劫堅守清淨韜神鉅或跌華林熙
怡展微笑虛空無著無畦疆天龍一指出磨衲法華三昧然
齋香大安隱石坐寂歷最光明地行端詳露衣真見骨梗梗
微卷似有經琅琅頷髭松苗頸鶴瘦錯落老少分豐羸其餘
七者亦清古面異質黝坳圓方怀浮錫飛且鈍置團團共此
摩尼光慈雲恍惚現羅漢天花髣髴來芬芳我疑畫師前身
的是老尊宿鹿苑鷲嶺合十常趨踰似覺尊者淪精飛魄入
其腹然後得以行筆跳動宛轉如此隨毫芒桐腴似漆楮似
雪已厯花甲無纖傷何人寶此得完善新城詩伯尙書王冊

題跋盡名偉金風亭長尤雄強枯槓句子妙劍獲八分小
字如騫驥雲煙過眼真幻耳玉魚金枕何慨慷池北書庫遊
魚鑰一朝飛落塵中坊陸君欣得謹包裹祇許良友開囊箱
我適諦玩夏之朔綠陰池館生清涼疎寮紫几滴嵐翠主人
愛客陳壺觴坐中廊蓬二三子脫帽露頂同清狂與酣掩冊
欲起舞便去振衣屋外千仞岡妙畫通神或恐變飛去爲囑
山靈阿護主人爲我長珍藏

正月十八日同王容大過忠天廟觀陸少微畫壁作歌
寒力入裘如入繡未遣梅花洗煩惱乍過收燈喜飽晴日脚
碧雲紅皓皓城北故人天機清有約靈祠事幽討芍蘭兜西
路不紆共曳青鞋踏霜草臨河廟榜金慘淡肅奉社翁及社
媼到門嘈囋匏竹驕叢簇村巫炫虔禱進探佛屋闌檻冷畫

壁模糊半傾倒三長六法粗可辨陸翰丹青藝林寶昆沙威
神剌塔劫毘首威儀失幢繡餘墨蕭瑟詎容識但見戈鋌雜
箭筈森然端麗五天女三目雙瞳猶炯好水衣風帶雖剝落
想見雲裳與霞襖再觀羅漢淡如夢彷彿兩軀疑草稿流派
駸駸鼓進亞若遇謝循應見媚陸翁斯地舊廬在盡此定應
增祓澡研青練紫自琢意豈惜役思枯髓腦人生積善信有
報似儼佳孫盛文藻四菩薩版記蘇公二行脚僧移米老惆
悵今時妙賞希空付庸僧支熏爇世間何者足堅牢萬物終
傷難自保蝸涎雀糞競相妬轉眼流光跡空掃平生搜竒未
肯後却恨來看知不早風前把茗漫徘徊流覽且與開懷抱
堂中大佛亦奇古戍削精嚴出誰造論工林下宋元世數百
年經幾潤燥起尋碑讀稽時代久仆泥沙供礪搗開結遊曹

擬再過墨本檀維席一考

同西林樊榭遊辨利講院

日脚逗松頂同過松下門房開青豆小牆接古苔昏晴磬韻
尤妙秋蟲語不煩坐來成小劫未覺石闌溫

同歷城楊苜園同里金壽門楊誨仲杭董浦過映壁齋
松諸蘭若分韻

秋雲無定姿疎雨小釀寒山行偶合并遂得林下歡防嶺路
未遐于野興忽寬僧舍桑翳戶向徑仄且盤入門撫火樹葉
似榛栗檀預思十月初來看霜葉丹粧臺眇畱蹤粉澤久已
乾映壁有故宋粧臺
洗鉛池諸勝蹟想像明月中香魂應淒酸鄰居結構佳
低樓帶層巒森吹劇竽苑窗外松丸丸沙彌解敬客擎茶肅
且端次第爲小畱懷古勞肺肝往事如驚颺誰能向空搏超

哉覺王言萬古歸一彈長嘯指後期南塔訪靈鰻

送桑工部之歷下講院次其畱別之韻

客程舟外見蘆花迢遞官河縱復斜老去景光應倍惜秋來
月色不須賒魚龍城市迷青海李杜池臺莽白沙知爾講餘
多遺撥好憑雙鯉降瑤華

荔帷明經載酒湖上同椒園按察維揚項羅兩詩人至

聖因寺看貫休十六羅漢畫軸

風徐雲薄作微陰樂事湖頭趣好尋波借清涼頻合槩峯貪
濃綠不分林擎茶小憇僧恭意看畫同生法喜心斗頓催詩
來驟雨擬畱禪榻擁梁衾

遊雲門廣孝二寺

牛車盤頭始迴陸

水形似之

閣閣竹與鳴且肩爐炊隴蕨五七里

竹橋踏過愁相顛蒼山橫截斗面起杼青拗紫爭勾連洪溪
左瀉抱山去下注若耶生渦漩壯聲磊落搏軒鼓細響幽抑
張蝸絃蒲芽石髮亦稀有活碧已占千千年石梁小轉寺門
見黃泥牆堵圉圉偏老松偃拱似迎客斷雲忽墮疑來仙一
蟲不語眾嶺寂靜氣直接無古先虛堂坐久啜茗罷起梯樓
閣巡廊楊祖龕將從東度印僧寮久冷西來禪前身我似此
三宿歷攬陳迹心依然曾聞萬棟駕金碧已同過鳥隨飛煙
放翁碑版無剩石辨才塔劫餘頽磚橋亭影斷麗句在詩名
豈待欄檻傳獨留穹碑照寒翠高宗楷書傳忠廣崢嶸奎畫
搖星躔字塗丹液自昔爾字以朱飾自宋迄今其色不渝秋風露灑紅霞鮮
於戲忠孝佛所本梵筴每見瞿曇宣窮生再世重澡行緇雅
詎了三生緣看人老鶴忽一叫響回空谷殊鏗妍同遊二子

其情恍凝立懶覓來時船涉塍竹路惜歸去野情古思何聊
縣

大恒禪師贈佳紙以一絕酬之

絕勝羊家白練裙禪師笑掇一番分擬將不點纖毫墨看作
通明嶺上雲

維揚汪巢林先生寄示新刊詩集輒題長句於後卽以
寫寄

手把幽人遙寄集搔頭讀罷向誰論龍梅念竹有真意剪水
斷冰無俗痕畫就易炊聊復爾吟成且坐每念言祇愁或被
時人見冷怪先生道太尊

頃索巢林畫梅書來云目已失明不能復作因次其甲
子臘八日集寒木齋喜予至揚之韻寄以奉酬

邢江惜別十冬春每憶茅堂滿案塵趙益門閑時謝客梁鴻
龜熱肯因人飲安茗乳平生嗜畫斷梅花宿世因肉眼已無
天眼在好看萬象又更新

石鼓歌

并叙

平生頗好金石文字收蓄千餘件一夕忽燬無留隻
字復抱沈痛老亦侵至益無聊賴矣梁兼士孝廉山
舟翰林叔姪日下歸以石鼓文打本贈視我昔有雖
加損剝而璲椎之工頗強人意益以我所驚喜者慰
我僚慄耳用意如此能無感哉因攬筆爲石鼓歌略
舉故人情事錄之冊後示我後人

我聞石鼓在太學左右對列森衙衙繞吟却訝白屋履來觀
定隘鴻都車周家世代昧遠近

韋云文王韓云宣王偶劉但
詞臣馬旋國以爲宇文周但

見收獵刊詞佳我車我馬驂左右陣陣猛士嚴鉅鉞旂旛檠

戟肅隊仗縱然奔趨無喧譁來東歸西差可按遵循汧洛凌

岐崖控搏惡獸執異兇竄奔免音免罽毼音罽毼毼音毼陂獬豸音獬鰐鰕音鰕鰕鰕音鰕

鰕鰕曰漁棗音棗咎非弓拔麋音麋驅兕豕音豕驅鋒鏑射夫騁藝搖

襍取用參牲特告太祝更坦原際安苗畬有唐中葉跡始著

左司老手開吟又韓光蘇焰繼摘挾鏗撞大句瘖喑哇至元

己卯音訓勒清通歐陽元黃音才俱嬌金風亭長劇疏証馬

說未見難攻瑕朱檢謂呼馬定琉璃殿人黑白掃易金每入

通人家紛吾有癖似歐趙分無紫禁趨闔閭形模但向甲秀

見舊藏甲秀堂韓石鼓精本闔閭塊壘何礧礧疑爲列

星隕斑駁似受狂雷撻往看未遂老違至安能萬里驅騾跨

我生况更後韓老鳩蟀又換千年遐弄藏幸獲雙翠墨揚幘

夷分金鈔

舊藏兩本一濃黑一淡墨皆百年外物也

閣中豈止百鋪展靜處不

管三摩挲素心長良或戾止出玩屢點頭綱茶鼎金

豐碑版

熟掌故瘦鵲鴨石墨長鑄華輕舒漫掩世慮遠杳同佛屋緒

楞伽六丁瞰妒忽下取化為朱鵲兼烏鴉尊常憶著便搔首

肝肺突兀生叔撫故人情多念衰朽十紙鄭重封題斜裏箋

急與拆魚子裱綾孰暇思蠶芽呼兒打壁宛轉看蓋頭病髮

忽鬢影辛壬甲乙順次第高下聯綴齊無差墨憐輕活調點

漆紙喜剝薄抄純麻槌均撲細極整頓工人造爾能堪嘉依

稀三百四十字錯落星斗瞻開遮怒猊掌抉醉象蹴饑蛟尾

掉饒鯨呀書人在昔妙心手勢窮嫺隔徐公誇

徐瑞省謂鼓嫺篇法非老

手莫能得刊

審音且任讀吾我

陶滋石鼓文証誤本音吾讀作我

結體聊知

珠籀驚柳楊梓械半摧折

柳梓字又

應鹿雉兔猶紛拏一微

辛鼓剝又盡海如浪白翻蛟蛇

元時第八鼓尙存微字繁鉤見潘勗音訓今已盡剝

疎帶見磊砢態度何異東陵瓜癢煤痕楷贖跟肘鉤金揀出

恒河沙字亾誰能乞倉史石破我思求女媧紛紜流峙急起

別但可默會言難加日月愈遠鼓益損後生所見應尤些月

愈遠後生所見益微公跋跋右軍帖語

想見他時轉漫漶滿身凹凸增窩窠頑

然將返太璞始癭癭瑟縮如蝦蟇低回未便乏好事捫探索

摸猶咨嗟我躬可慘心力槁作歌那堪奇芬葩目搜心計漫

極校後慧恥拾前人牙坡公憫世羨鼓壽成毀終逐風中花

坐對真成三歎惜應與吾生行有涯

龍泓憩館圖

松阜先生與僕交垂三十年未知其妙于水墨也去

臘忽蒙手寫龍泓憩館圖見贈更題古體長句於上

思清格老稱許過情盈尺間三絕備矣僕何幸哉因

次原韻奉酬

吾鄉山水吾真愛江態湖姿分向背先隱雖遙境未涸松喬

石古人疑在嗟予束髮肯應網搜身欲去徒生慨已詩晝夜

等窮通久把功名同茹退喜招道士理茶鐺恥向公卿掉書

袋思圖憩館在龍泓竊比神樓存大槩吳興劉南坦尚書不

畫神樓圖見閔吁嗟垂老將就木始獲素心閒張居貞不以縵采論交吾

兄廿載強未悉豪端能爾繪外史鈎彼迂偶醜畫名偶寫奇

石為倪雲元章蘊蓄坡猶昧坡公讀米公寶月觀賦與手簡

林所賞不信知雲夢蕩胸寬鴻戲鯨吐安久耐一笑欣將昔願償魂

遊定向斯園內

意林以龍井春芽西湖藕粉見餽更用蘇公與參寥行

園得黃耳輩詩韻作詩見示適代州馮右書以五臺
天花輩寄贈輒分小裹以餉意林并依原韻答之
茶泛金芽促鼻香藕漚銀粉沁心涼扶羸頗振筋骸劣破腫
堪鋤學殖荒聊仿吳儂輕點蜜肯同朔客浪投蔬報瓊偶掇
仙山輩黠綴殘春筍藏鄉

旌門桑孝子抱鐺圖

人生失怙情難述况復親存把奇疾通腸入胃自未能除却
鐺糜無異術豚糜半糜漸謝功子心如沸一鐺中明明親在
豈不得豈待泉魚撓木風宛轉親亡腸欲裂忍見團團煮糜
鐵抱鐺哭絕咽無聲啾啾有耳鐺應泣

哭陳授衣

別後光陰脫兔奔把君計紙一聲吞三生已覺揚州夢午夜

應歸浙地魂爛漫琴書珍令子崢嶸詩筆守諸孫當年覓句
齋空在花發愁看寂閉門君讀書吳山夢綠菴曾乞程松門
高士畫閉門覓句圖濃墨乾筆邱
整深潤觀紙
小立軸一幅

回回李翰十紙聯幅墨蒲桃歌

回人李翰一生畫墨蒲桃生紙殘煤遇興卽作山僧
野人往往見乞翰不以藝精自矜畫人或有訾毀翰
絕不之怒自娛而已滿洲線公亦善此藝開府浙江
時見翰作延致署中翰卽掉頭歸甘於貧寂不欲嬾
阿節鉞問耳平生作畫例不署款知己書劣但以兩
市刻印塞流俗意此十紙聯幅乃其傑作故惜不用
予偶得之惜斯世無有能知翰者因爲手篆刻章誌
之并作短歌用薦後之能傳翰者庚寅五月

李翰蒲桃墨法熟生紙枯榮隨所欲興來兔鵲信手追真有

洋州胸次竹論畫何心阿愛憎讜言曾抗線中丞浙撫線一信嘗延李

署中論畫深瓶還我四體潔瘦骨偏向秋陵嶒巖時曾識李翰面

回輝寺外尋常見今之回回堂舊名回輝寺有正藏年碑立堂內錢唐鄭厚撰文寫髭鬚映

葛衣霜回首光陰閃眸電鷗性從來鄙架鸞肯向華軒受綯

鉤於平一藝能自重死後風標始驚眾髣髴佯狂溫相公脫

畧擅威楊總統此畫縱橫二丈強紙聯十幅宣州光天藤大

葉何蒼茫颯沓似有風吹裳想見連駢帖高壁帖紙于壁見米公畫史

靜焚鉢衣諸念息回國呼香為鉢衣猛然振筆數回環宛似老回書

黑武回國呼黑武梗健驚看火樹橫顚繁忽訝摩尼黑瀚壁迷

離烟霧生滿堂惚恍龍蛇入當年畫成知自惜款印俱無付

真識真識例不署款但用市工印老夫使謂異代名磊落石

章爲手刻老夫龍鍾頭雪色俯仰應成遠行客他年挂向草堂中未識何人重太息

江曉香請和游浴鵝灣晚歸之作

淡淹浴鵝灣阿那啼鶯樹清曠少游人舊是元洲路

灣爲張外史元

洲精舍幽

當年獲到人不異蓬山渡晚步足徘徊涼煙薄於

霧訪古水無言但有擎拳鷺江生具遠情于此拾佳句歸艇風吹裳波面月已吐風月寧有私閑者得其趣

陸秀才

飛

楚中歸贈中興頌墨本請賦此歌

陸生客遊祁陽歸手中出贈中興碑湘煙生翠浮紙墨草堂展看明朝暉頌書元頌兩奇絕千秋照曜活溪涓讀之令我生太息病肝老肺俄崔嵬祿兒天礫固早示天寶遺事終堪悲強軍祇辨抗行在哥舒用武嗟虺頰潼關一挫犬羊入九

廟頓爾成飛灰苟無顏郭奮忠義兩京疾復誰能為三郎悔
禍中興啟昭然天意如風回製文遣祭曲江老文鏡白石高
巖隈罪躬旌直應有作想見文字傾瓊瑰桑枯感退古所有
一念信移安與危何人為我致墨本好同斯搨相追隨明皇
追恨不聽張九齡之諫親製文遣使至曲
江祭之命刻白石山崖上見安祿山事蹟

魏景初帳構銅歌狀圓如筍徑一寸長四寸許中空而
底方有出岐枝有孔上有字云景初
元年五月十日中尚方造長一丈廣六尺澤漆平坐
帳上廣構銅重二斤十兩凡三十二字入分壽郭上

方西時
所藏

魏宮帳煖春雲熟紫蓋謾報銅龍咽巧笑長蛾緝父風悼后
至今沈恨血淒涼往事逐颼風忽視千年帳構銅景初換胡
希殷正土德黃矜見處龍景初元年正月山莊縣黃
龍見因是改元為景初摩挲銘
文三十二澤漆朱竿知舊製銅頭小字將於蠶筆聯疑擅邯鄲

聯勢漳水衝淇日夜哀曹家陵寢久蒿萊哀王篆破亦見此
云伴團團鐵照子漢廣川王好發掘冢墓周哀王冢石牀上有帳構劍一其餘異物唯鐵鏡數百枚知此物之製其來舊矣見西京雜記

歲辛酉杭郡庠頌池側掘得蘇文忠公表忠觀碑原石

二片樊榭作歌記其事索余次韻

園池湛湛清不淆繞池柏吹鳴居巢頌宮典禮最嚴處行人

過此屏囂哮瓊鐫玖勒遍廊廡誰知鉅刻土尙包表忠觀碑

忽掘得未審何日移南郊觀舊在龍山之陽南渡後祀圓丘地也錢王偉蹟森

在眼怒濤猶覺回強辭文忠健筆扶公是一洗六一橫訾嘲

五百年餘論久定讀史無復紛喧呶五代史廣文先生性好古

諸暨余羅村拭洗請定金石交想當衣苔臥江潯衛守定嚴虎與

蛟不然桑海幾塵浪豈免入劫鋪堂坳卽今重樹豈偶爾隱

現若爲天所教高文磊落在人口車隘未藉鴻都鈔走觀好

事快奇觀登登打搦煩煙膠我來撫看日卓午檐花弄影凌

呀摩較以重刻雖缺半成化年間郡人重刻真龍頭角終磽

磽戈回豎屹神氣聳驤洶奔水鴈飢捐墨埽我待百木蓄璫

布誰將萬事拋龍山壁水論今昔昔依林莽今軒庖大厦深

櫟與蓋覆盲風怪雨難侵敵何當四石舊觀復後小跋云碑有四片皆兩

刻文連字接如吹箋作歌記事慰懷古詎宜閉口同懸匏

陸後飲秀才餽匏頭菱戲效楊誠齋律體報之

菱菱乘時比舍供匏頭名色譟吳儂豚圉混混魚緘口角短

磈磈鹿起茸生剝雪膚愁爪損熟餐霞髓溢昏濃老夫也是

閒知味屈到情懷漫一鍾

和嚴味村先生七十自壽次原韻

滄洲道在百無憂鶴迴芝閒角綺儔挂腹經書如水瀉熏天
富貴等雲浮深杯每自酬欣賞雙屐頻教伴勝游脫手新詩
懷抱好沈酣跌宕更溫柔

天濶雲輕雁北征淒秋老氣轉縱橫高懷久已安三樂

聖代從來重五更黃雲正當飄遠韻青粘底用託長生康輶
舉向金風裏應暢千秋萬古情

庚辰冬日獨遊龍興寺二絕

酒壚葱肆幾騰蒸市井中間闕佛燈祇有詩人諳著眼對橋
門榜認龍興

蓮幢重復小徘徊閒趁冬曦偶獨來解事沙彌憐熟客園門
爲我早先開

寺後高樹婆娑隔垣可望沙彌言祥符寺內樹也又言

先有龍興後有祥符蓋承其師語云爾但鮑老因緣

未知尙能悉否邈焉興感再賦近體五十六字

瓜分古寺感蕭梁寒霧回縹緲宋唐北宋南宋中唐殘唐穿蟻遊人詠

蘇老卿雅貴女降錢王吳越王妃會降香此寺施捨塔埋鐵

劫消寒影井徙銀幹又夕陽惟有石幢覆佛日萬人曾覩玉

臺光志言寺內有鐵塔坐久埋塵土矣

過趙五谷林春草園絕句

趙兄情抱水迢迢逢著花開即見招恰似春風也相憶殷勤

猶到最長條

曾其翁翁把酒來高低忍闌舊亭臺梅花了解相思苦抱著

寒梢不肯開

淡洳池光洗釣磯當年柳影見依稀池邊多少閒鷗鷺早伴

天一鶴飛

縹緲岑樓構意新祇容青鶴作比鄰遙遙天目應惆悵不見

掀髯倚眺人

岑樓四疊可眺天目山卽以名焉秦蕙田八分書

徑草蕭蕭蔚似麻文梁徙燕檻升蝸無情最是青松樹曳翠

牽蘿蔭別家

張

陽字東浦號滌岑居士錢唐人有瑞石山房詩

杭世駿瑞石山房詩序畧曰滌岑少得詩法於厲徵君樊榭託想幽靚而取徑絕疲庸之習所居瑞石山麓矮

屋數椽業

醫自給

碧溪詩話先生四子理蘊丁丑病臥次年戊寅人日先

生夢臣友吳石蒼徐紫山沈熒城汪重閔陳玉几金江

聲金匱農厲樊榭石貞石孫晴山金閨石諸公亦諸蓮

峯二開士過訪云途遇以文徵仲寂寞一杯人日雨風流

知已之愛恍若生前以文徵仲寂寞一杯人日雨風流

千載草堂詩二句分韻賦詩而別夢覺補成一律云春

風凄冷放梅遲先友含愁慰故惟夢裡聯吟人日雪燈

前迫和甫田詩風流地下皆同調憔悴塵寰獨後期更

張揚

三

過佳兒頰青語眼枯頭白也曾知先生
思子之深懷舊之切竝於此詩見之

映壁菴

草綠禪扉靜山空落照遲鶯聲悲廢苑佛影弔荒池苔石畱
殘翠岩花染剩脂城頭一彎月曾照晚粧時

蒔圃自闢來杭過訪以春茗見貽卽送其入京

寂寞城南舊草堂君來閩海話匡牀官情衣染三山翠風味

茶分二月香把酒花前懷旅泊逢人江上戀斜陽同訪丁敬身江上

匆匆別我朝天去千里春光柳數行

丁丑七月廿九日哭四兒理瀾

艱難家計强支持勞悴臨危祇自知淚眼已枯遲暮日吟魂

忽斷早秋時愁聽谷鳥呼猶慘烈撫孤孫夢亦悲孫兒本想生甫兩月

豈獨傷心成永訣五年雨度哭佳兒長兒歿已五年

閒居東徐紫山先生

遍地緇塵欲染衣疎慵甘與世相違吟詩難就獨叉手遲客
不來空掩扉離菊凋殘秋意老霜楓蕭瑟夕陽微最憐徐孺
貧兼病煮字無方可療饑

同樊榭敬身重遊雲居寺傷石貞石下世

廢寺重尋跡未湮吟朋地下久傷春四圍山色青連郭一角
湖光冷逼人壞塔當年藏落彩遺踪千載絕芳塵寺有中峯塔
和尚裝塔
及遺屐長廊靜對蕭蕭竹朗誦遺詩各怡神

留別西湖用香山韻呈城南吟社諸君

微風斜日散晴煙初唱驪歌漫撥絃鶯語同聽非往日柳陰
共醉待他年旅餐最憶猶頭筍鄉思難拋燕尾船堪羨城南
舊遊好殘春吟遍六橋邊

盧敬甫招同孫晴山諸君秋禪泛湖分賦

湖水未全白，蟻舟郭門曉。雲影散遙岑，晴光豁林杪。握手水仙祠，歡愛託蘿藦。鴈詠集名流，修禪秋未老。煙柳碧陰翳，香波渺渺靜。玲瓏橫談著，作薄郊島七。婉玉川癖茗，飲興不
小。蓴菜勝江東，魚羹傳宋嫂。吾徒冰雪腸，其此清虛飽。酒酣叩禪扉，泊岸歌船繞。六一署名泉，挹掬除熱惱。寂寞惠勤廬，惟聽梧竹擾。蕩槳泛三潭，疎荷殘曲沼。微風薄醉顏，涼意先
幽鳥。暝色籠空濛，平橋恣遠眺。領畧四山青，開豁淨如掃。良會頻綢繆，脊脊吐懷抱。延佇夕陽沈，吟情寄紅蓼。

初冬同吟社諸君自錢王祠喚舟至漪園晚憩南屏歸

途留飲近雲山舍分賦

時方
落湖

冬晴霜信殺敗葉聲，撼撼心朋湖上行。佳境豈暇釋延緣，錢

王祠小喚郭門楫飛飛兩黃鵠向我若舊識西湖關水利六
井載圖籍蓄洩救上塘百里潤禾麥細民便膏腴隱占等陳
迹兼之葑田淤圓鏡半殘蝕歲修屢爬梳撈淺不逾尺望中
憂六橋長堤蔽蘆荻

省方悉民隱耕鑿預籌畫開濬西南隅募夫及農隙欣看復
舊觀一眼盡空碧停橈叩僧扉曲折穿籬入俯檻問沙鷗臨
流數金鯽山浮濃淡影樹著淺深色招邀過南屏日射林杪
赤襲衣煙靄輕迎面峯巒集幽鳥小參禪高樓閱過客笑人
羨勝遊曾穿幾兩屐歸路踏松陰緩步入城黑支筇楓嶺西
再酌丁卯宅一荳月破暝草露芒鞋濕主人剔寒燈拈韻限
險仄劇談臨泛樂可惜暗門隔更闌萬籟靜風落一聲笛

陳兆嶠

字問風號眉山錢唐人也
正己酉舉人官內閣中書

陳兆崙行畧曰仲弟兆喈號眉山者寒宗陳氏原籍餘姚曹娥江西去雲柯里之小山志不忘本也原名崑白為諸生至通仕籍皆原名補官後始改今諱屢困童子試年踰弱冠始受知於茶陵彭公歲已酉秋試獲選丁巳閏試中書應格錄用又三年補官任裁二年癸亥庚午連丁憂不出理故業藉問字東脩度日少自贏錢時與從弟仰峯族兄嘉言登山臨水賭酒彈碁歸輒引被而卧吟甚苦每病起亦然家人不能勸止女玉賢或手鈔口誦其詩則大喜拍案稱快今年正月二日遊吳山訪嘉言於山趾談諸振歡中寒不起距其生康熙壬午得年六十有五命嗣子玉敦檢尋遺稿以待編排繕刻

送孫武水之筠州

蕭齋盡日沸瓶笙花落驚聞剝啄聲似爾青韶初作客愧余衰病欲逃名帆櫓影帶蜀江樹書劍光生康樂城從此風雲助文藻勝遊真不苦長征

施廷樞

字北亭號慎甫錢塘監生著十駕齋集

江沅傳畧曰施慎甫嗜讀書甫冠謝夫科舉業博覽羣籍於經史傳注字句疑似者每抉摘其同異謬誤而舉

正之乾隆辛未福州太守兩湖徐公延修郡志甲戌復
應荆州葉太守之聘纂輯郡志戊寅三月為二親營葬
於龍井躬督舂餼之役略血數升封土未乾病竟不起
年四十有五詩文沒後多遺失僅存十都齋詩文集各

卷一

抗世駿十駕齋集序畧曰北亭措思深湛眼光所到洞
垣一自方側所故作審定一二處其意所不滿者余未嘗
不自知也故以故闕人廣坐中有北亭在既於鎮不敢妄
有論列旬而全謝山穿穴羣籍意不可一世北亭每有
匡益謝山旋即改定今世所刊經史問答可證也吾黨
多畏友核其尤則張曦亮與北亭為最北亭家巾落之
閩之楚連歲奔走於衣食心志幽憂精膳外錄年壽不
永不得副其所欲到之境嗚呼北亭意欲為東萊深寧
一流人恥以詩文自見每有所造清樸無俗言而機不
收拾既沒孤子雖搜葺於友朋間得如千篇姊聶葉世
組同里鄭信許承基力任刊布汗沆為作傳而以序屬余

送張誠然入都

甚欲相從結耦耕傷歌歌罷復成行鶯啼草長江南岸破帽
騎驢薊北程白髮滿頭猶道路緇衣好士幾公卿旅情遙夜

知何極應念樂樂太瘦生

偕厲樊榭先生登聖因寺竹間亭追暑

避暑訪僧夏追涼叩禪扃拾級展游目憑高舒顏形一亭納
萬翠驕陽逝不經雜坐緩巾帶清言極窅冥愛茲碧蘚淨圍
列如長屏回風一披拂參差韻瓏玲嵐光逼虛棟湖淥上短
橋幽造異檢束勝賞同林垌執熱邈何有煩慮豁爾醒戀戀
不忍去暝色催歸舲

大風發馬當抵九江作

疾風吹沙日輒脫蒼茫翻動蛟鼉窟大波小波疊乘陵帆飽
沙張箭離筈浪花高捲灝篷窗遙望溢成如一髮桑落洲邊
欹側過小孤山色秋嵯峨丹霞壁不得上雲中招手空如
何三更放酒潯陽郭九派云云湖已落琵琶亭古臨江津江

人共主賓却憶多情白司馬青衫淪落只含辛

泛舟西溪至蘆菴

蠓子凌晨發精藍向夕登到門花遲客入夜榻分僧霜重侵
溪閣風多颭佛燈朝來富幽事肯負一枝藤

馮準治

字次萊一字
蔗田錢唐人

除夕

一歲又除夕客心還若何風塵雙鬢老貧賤一身多舊歷愁
中盡殘年病裏過萊衣真可念歸計莫蹉跎

紅城驛題壁

馬頭殘月慘孤征綠繡龍沙春草生幾曲溪流兩行樹路人
遙指近紅城

洪

簡

字辟支號豆村錢
唐諸生著激提集

兩折猶肝隊

卷三十六

施廷樞馮準治洪簡

鮑廷博激提集題辭云不圖今有天池子開卷令
人喜欲狂莫插陶家書架上親畱全帙付中郎
碧溪詩話碎支授徒自給性孤介傲睨口不言貧初館
於汪氏二十年所作詩為汪穀山所藏穀山沒以其詩
稿為碑自序云為才鬼所剪墜于地者是也今所存
者皆四十以後之作起甲寅終乙亥凡二十二冊其子
貿易市肆厭其父徒事吟咏客至拒勿納卒後其家束
詩稿于梁上者十許年其親知偶語吾友鮑錄飲逢拂
武梁座解而授之其詩叢雜俚鄙然如詠醉蟹云隣絕
泥中路荒耽褻裏天算盤云合定二五耦分間上下牀
又如病中念佛兒應厭夢裏封侯妻不知分火便為隣
德色無糧卽是鼠凶年野水攜人尋別徑山花引客入
窮途自覺無能慙責于每
逢得意笑看天皆可翮

西湖竹枝詞

郎過錢江船早開
勸郎切莫看潮來
潮來早見潮頭去不見

潮頭去又回

路傍楊柳萬條長
風去風來抵死忙
不及岳墳華表石一雙

相向立斜陽

哭子

長大看看六尺餘，遽然一死類枯魚。
隨緣淡泊雖時否，儘爾艱辛是我疎。
負米街坊蓋熟路，背人燈火讀生書。
慙慙夢裏重來話，兒臨死時之言只恐非熊事總虛。

弔劉四娘詩

四娘居郭璞井右家甚貧夫依於親歿於親所遺二幼子四娘青年守志以十指活

之口食不足時拾井畔菜黃葉雜以爲糜卒窮死死後二子不知何歸矣弔之以詩

夫貧妻已苦，夫死更不支。
井闌拾黃葉，滴淚如縷縑。
葉盡不得餐，痛哉兩孤兒。
孤兒何所恃，說與黃泉知。

東城女子遊湖歸夢一女云是採蓮女死於水也

採蓮女子死於蓮，魂抱蓮花水底眠。
只恨蓮花不同死，今年

花好又明年

洪鶴書

字希聲號花村錢塘人昇孫之震子寄花村小築

四斤倉下長

卷之三 洪簡洪鶴書

碧谿詩話花村先生爲文藻七歲時業師皮寅之冬見先生於東園朱氏宅適病瘳扶筇坐語謂文藻曰予年衰就木相見無幾先兩世遺詩及予所作存稿無多並藏篋中與日當托以傳語竟淚潸潸下次年竟不起案花村遺稿卷中有呈都又禮丈詩都翁年八十餘與先生並屋而居無子好爲詩

冬夜不寐

浙瀝淒風夜悲涼孤月看一身誰伴侶萬事總艱難欲寐憑何策謀生總未安牀頭小兒女熟睡不知寒

謁海昌海神廟出春熙門登鎮海塔

百里鹽官地孤城海若鄰衣冠登舊俗桑柘有淳民水色迷村落潮聲到枕茵長堤資捍禦應識荷

皇仁

孤塔城南聳登臨亦快哉雲低津樹合天濶海帆迴市語吳音雜晴嵐越嶂開錢塘西望遠鄉思忽難裁

許震元

字永乾號楓嶺錢塘人

抗世駿取斯集序畧曰許子楓嶺以英妙之年肆力於聲韻既嘗受業珠淵又爲滌岑佳壻日從二君遊陶銘出入得所師資搖筆落紙克追羣雅

花架十六韻

弱植扶佷援柔條屈接檐繽紛春乍暖掩映日方炎錯彩支
平懸低空織密縑稍通風料峭微滴雨廉纖冉冉輕紅綴層
層嫩綠添坐堪張研席倚可啟書籤香聚生衣染陰濃午睡
恬玲瓏施露網披拂隱光幙月漏盈堦影山窺一角崦攀躋
枝易墜採摘刺防銛小憩秋千罷經過鬪草慙藥繁交景姁
蔓長奮蛇蚓陋豈瓜棚比華應步障兼鳥音聽隔幔雲影度
重簾紫燕低雙剪青蟲挂一纖惜芳人病起遙見立淹淹

上巳日懷虛隱在臯亭

引興舉亭去天晴玩物華水香遊客舫村煖野人家上巳喜
無雨滿山都是花定知詩句好吟到夕陽斜

許升元

字延燮號雲
舍錢塘人

正月十六夜步月鐵冶嶺

策杖翩翩快其登遙峯漸覺月初升蟾光不滅上元夜人影
盡依春市燈塵外凭高延野望林中得句憶山僧白雲古寺
鐘聲近擬叩禪扉興倍增

閏九訪讓山不值歸詣雲居晤柳潔夫夫子

閏九風日佳登高展吟屐緩步陟南屏盤礴石路僻心愜松
靄青目騁楓葉赤入山未云深寂境遠塵陌隱隱聞鐘音扉
欵已公宅禪僧閒似雲雲飛任所適徙倚對幽花撫景玩奇
石引興健晴遊歸途踏嶺脊古寺結巖椒秋殘氣蕭瑟耽吟

恣紆迴攬勝，忘日夕回望。南屏峯巒嶂，蒼烟隔燈前。挹名流，
山僧愛畱客。米汁供齋厨，熏顏清興劇。好會不意逢，分題託
前跡。相於青豆房，涼風透窗隙。地娑循雲根，月昇山徑白。

蔡朱源

字芷樵，號雪鴻，錢塘人。
著鷄肋吟，寄寄山房集。

蒙泉澗草堂落成與舍弟澄同賦

夙負烟霞癖，今居山水深。家鄰和靖宅，人有樂天吟。明月隨
清影，澄湖寫素心。娛親同愛弟，松下弄幽琴。

懷義門

曾約清秋醉鳳山，仲冬猶自客郊關。事無定數元難料，人到
中年豈易閒。行色不離流水外，鄉心常在早梅間。破愁此夜
還無賴，高咏樓頭月一彎。

秋夜江樓懷吳東屏

烈承

西風入夜雁啾啾天末涼生感舊遊豈有停雲同把酒不堪
橫笛自登樓草從人去年年綠詩到秋來字字愁無那蕭蕭
楓葉外月明回首大江流

戴葆元

字秋發錢塘人廷堪子

丁誠叔以夜坐詩索和

數椽茅屋少遮關淺植疎籬石路盤竹戛檐聲風有韻月橫
堦影樹生寒地偏似入柴桑里心淨疑承筠塹尤往復與君
成結託閉門偃臥又冬殘

歲暮感懷再和誠叔疊前韻

閒園無事凭斜闌往事紛紛思百盤鼓翼遙憐鴻就暖悲鳴
曾聽鳥號寒蕭疎朋好傷零雨飄零年光似走丸淺徑獨行
看細草一畝霜雪一凋殘

張

作山錢塘人

滁州寒食題六一祠

何處看春不可憐環滁山色杖藜前
離家未幾逢寒食勝地重來已隔年
冷艷半亭花褪雪清流幾曲水籠煙
歐公老去遺祠在薪火分烟夕照邊

冬日同許楓嶺雲舍黃快亭湖上探梅

沙岸南頭古寺東幽尋樂有故人同
波光欲暮涵深碧梅影先春破小紅
蠟屐踏殘孤嶼雪酒旗颺盡六橋風
歸途景色殊清絕扶醉微吟月在空

吳穎芳

字西林號臨江鄉人仁和人著臨江鄉人詩集

王和傳畧曰杭有績學篤行安貧樂潛之儒曰吳西林先生居仁和之臨江鄉因自號臨江鄉人其稱名於釋氏則曰樹虛初攻舉子業嘗一赴童試為役隸所訶自是不復應壹志稽古張定夫毛磨中兩先生攜書就先

生居焚秦繼畧積有年所每旦則各舉夜所讀書有疑
義相與剖析爭以無所疑辨爲恥務爲專一之學生不
博覽羣籍而所究心有難詆謫者數藝而已嘗怪鄭氏夾
之著書務與先儒爲難詆謫者數藝而已嘗怪鄭氏夾
是取二十畧中之六書七音樂畧一尊先儒而採其
源成吹兩錄五十卷說文理董畧一尊先儒而採其
文宇源流六卷金石文釋六卷其采摭羣書可供詞章
攷訂之用者名之曰金屑錄先生閉戶著書不求人知
或相逢桑塍麥隴間蒲誦不依耕耨者織者竊聽之
二老爲何語爲詩不厭數改由淺而及深去粗而存精
編爲臨江鄉人集四卷古文尚平易詩鳴鶴尚疑曲所
不多皆不存寧化翠庭雷公視學兩浙鳴鶴尚疑曲所
周子太極講義而去武進方耕莊公典試浙江事竣
輿出郭得其律管諸解而去卽吹簫錄中之一二門也
武進茶山錢公亦以學使報政時職舟河干周谷移
索觀所書而去醇儒抱道前輩虛衷士林傳爲佳話先
生於儒書之外兼通釋經與其他術數之屬若六壬星
勉釋之家皆有論列又謂草木生于一地踐履所及不
不知乃取爾雅博物志本草諸書一證其同異識名
辨性聚得百種之解毒者采取爲九名曰綠藟可辨
不入城市家有桑竹園池之勝村醪野蔬咄嗟可辦
一小筒削竹籤書賞花釣魚圍棋賦詩鼓琴吹笛等十
餘事置筒中客至則隨手拈一事與客共之必盡歡乃

聽客去晚年城中士大夫家爭相延致振綺堂汪氏稱
松堂孫氏項生金門先後假館者十餘年談讌追歡羣
英聚首而編詩四卷亦即孫氏所刊行還家棲息
耆年餘精力衰邁尚著周易類經未成書而卒

詞科餘話仁和王穎芳西林居艮山門外
熱情選理兼長史學深自韜晦不求世知
隨園詩話杭州布衣吳西林博學多聞嘗自序其詩曰
古人讀書不專務詞章偶而流露謳吟僅得所蓄其胃
中淵乎莫測也遞降而下傾瀉漸多逮至元明以十分
之學作十分之詩無餘蘊矣次焉者或濫其量以出故
其經營之虛時露不足如舉重城雖同一運用而勞逸
之態各殊古人勝於近代可準是觀西林與杭屬諸
公同時角逐及諸公俱登科第而西林如故也故咏筍
腊結句云回頭看同隊一一上雲烟又答客至曰田間
住却攜鋤手來與諸公話白雲又有句云貧士出
門非易事豪門投刺豈初心能使聞者人人點頭
碧谿詩話西林丈家本素封閉戶著書數十年不問生
產事遂中落所著書皆鈔本流傳惟詩刻行世存生平
詩十之一得三百餘首為四卷手自訂鈔徧示同人精
審予亦預其列凡一字未合輒為易去不可易者竟刪
之故存詩少而格彌精

和沈晴川丈村居

翦荷結屋居清淨荒陂秋水澄霜鏡之人臥耽蘿薜深保性
幽卿松柏勁販賣雲壑不侑錢分作狗書受貧病南漳秋雪
拉漁兄畱下春紅中酒聖一東一西雲共將隨闕隨盈月爲
性曠觀物理燭冥機應接人事寓無竟使令喚得樵與段樹
果栽蔬夾田畔不愁淋澇不悲旱冬青可抵休之半營度吟
句老更癡名器定居高士差身前莫計況身後過此一壺外
不知

寄毛睿中

出處豈殊致跡冥理自通軒冕豈累人陋巷堪養冲吾子策
高足躡雲萬里風中途更蹉跌斂翮依卑叢蹇鴛我特甚平
生信偏衷詎以小勲業亦非嗜賤窮狗時等畫虎學技如屠
龍展帙雪月下抱琴邱園中矚彼耕漁興副我泉石胸悠悠

化還百年會有終

常親自童穉惠好不覺深形跡脫畧盡相示唯此心河橋屢
屏手日月馳駸駸中間寤語疎關河阻清襟暫對情未極別
酒愁重斟刻羈悵然臥忍聽孤鳴禽攬衣驚四顧誰知我沈
吟方秋接鴻羽因之寄新音

荷門夜泊

索醉樓陰砌碧簫石橋如舊跨長虹報秋砧杵初調月泊晚
颺檣正卸風吹竹不逢吳市客買山思作太湖公游踪何事
頻漂泊一半年光屬早鴻

南海石

邊樓臥鼓龍沙靜尉候威行無外境旃裘翠帳來藥街奇貨
輪將三市并篋中磊砢來荒朔千年染透莓苔綠寶胎蘊結

馬腦精小有瑕紋如鳥啄瀚海瀟漫天西連高無草樹低無
泉迢遙百驛石爲國十旬馬蹄行欲穿涼秋烈風動地吼飄
似葉飛堆作阜冰山雪窖不識春行人盡阻西關口誰歟嗜
奇拾滿囊破費藥駝百石榴良工睥睨俯而笑胡沙手試割
玉方霞光初透紅間白滿腹英華藏不得專諸巷口人爭覲
咨嗟忽動懷鉛客絕愛古翠烟露明何如完璞天然成清泉
汲取養蠲洗肝與文房伴一生

陸氏明瑟園

水南亭林入畫圖詩書先世得膏腴食單丙穴分魚味生計
瑯琊食稻租波引小滢間虎眼夢延高架引龍須金釵擊節
歌初緊不讓齊奴一斛珠

南澗寺

跨路幽亭詰屈闌翠松如帶拂塵冠諸天花木三層寺初地
樓臺百尺竿石罅頓驚踈雨落樹顛長護法雲寒曾扶文藉
先生杖山色都將舊眼看

對酒贈客中

飛紅睡香西湖春雄兒跋馬爭春塵扁舟獨汎依白蘋酒中
尋張氣益振羨君秉志崇清真天爵自具高我貧劉楨風有
松柏性李白豈是蓬蒿人風颺客意落杯酒搖曳烟絲委波
柳眼中一閃忽如夢春去餘時強爲有誰誇熊羆蟪蛄壓紐誰
羨黃金挂北斗莫尋季主日者流去訪蒙莊漆園叟

訪黃雪山房紫山徐文

欲問幽棲郭林芳共一門隔離松子墜過澗鶴兒翻養道追
虞夏將書澗子孫坐來成小劫山頂日車昏

孫翁山居乞詩

鑠石流雲總不知，綠筠闌角滑龍縈。
遍山草識都成藥，繞屋花判盡入詩。
細柳涼招新浴後，好禽語湊半醒時。
多君日有清樽興，欲把琴來一解頤。

西園梅花下得句

一鳥唱晴色，西園花亂開。
詩成向天笑，酒熟無人來。
挂帽紫筠竹，橫琴白石臺。
胸中千古意，寫作松風哀。

泛湖至水心寺

縹緲東風桂楫移，水心柳簇放生池。
交蘼葉密鳴螭咽，折葦枝低宿鷺驚。
赤足野公沙外釣，白頭道士竹間棋。
最憐佳日長多事，難辦看山雇直貲。

野況和韻

寧爲穠籬矮竹門多年耕讀桔槔園春花落盡閑山展明月
佳時住水村厚養獨誇儲芋栗薄收分減及雞豚心知身外
渾無事霜色空餘入鬢根

武康徐氏莊

麥青田舍春茅齋翳青靄鳬鷗悉家禽溪山非戶外高人業
孤峭禪處得三昧所語皆椎儲內照塞其兌采芝深谷勘擷
藻淺石瀨家醪宿三月魚鮓間瓜蒞今夜東井光來參社公
會

王次簪義橋村齋圖

高齋蔽桑陰昔我曾叩關日出雞犬靜岑寂如深山談間洽
賓主一笑忘新暑松色自遠邱鳩聲正微雨圖史左右陳咀
古兼吟新天懷幾童子猶勝禮法人槎度林可風詔息湖可

擅能事俗客不思河朔孟本色家風無貌飾坐地團蒲佛標
格詩情禪意兩通元溪色山香動胸臆卽今茗事全吾真盤
龍空惹京華塵欲知花乳清冷味須是眠雲跂石人

紫藤書屋

潔甚高齋花竹蔽近在桐村一步地怕怕儒士舊卿門白壁
青錢買好事淳泓積水心鎮靜濃豔春闌眼沈醉新雛吐語
不成嘯穉笄蝕痕如有字叩環摘摘黃耳驚昨日客來南巷
生安弦一操天地清草元室中無俗聲滑稽吐酒鴟夷鳴玉
山不待他人傾醉中語比醒更好鴉兒忽報東方明

田守廬先生居湖上

得寵東風錦繡枝眼看繁盛幾何時一邱一壑自爲適獨往
獨來人不知東野舊遷書籍富杜陵新起草堂卑西湖儘有
兩折樅軒錄卷二十六吳穎步

滄洲趣閑把漁竿詠楚辭

寄張定夫金陵

文章空說兩京傳生計征帆共馬鞭
鼻息仰人終下策頭顱歷世過中年
水甘建業差堪飲月上秦淮未肯眠
聞道東裝今頗富千番醉盡代腰纏

詠塵和楚公

駒影分馳一隙中世間紛擾相都同
自甘做箇多閑藥見方莫問東華踏輦紅
居世只如棲弱草汗人真欲障西風
見面近識循身觀七分分開證是空

汪槐塘朱林表邵檣波過舍

報有高軒照水濱不驚門外野鷗羣
田間住却攜鋤手來與諸公話白雲

和人筍暗

幽穉經烹炙儲藏可判年龍胎生蛻骨玉版死心禪枯槁爲
誰好腥膻覺汝賢回頭看同隊一一上雲烟

又醃蔬

秋末晚菰嫩蓰罌爲久藏何堪蹂躪苦重借齒牙香味豈從
煙火聲猶脆雪霜冥冥主張在我夢不官半

山谷詩

柳林前後野步

蟬葉輕紗怕綽風赤亭紅榭兩相逢平沙鴈宕迎潮緩深柳
鶯簧喚酒濃一碧暗通凡幾汶晚晴相賽有諸峯樓頭危睇
井前度魚鎖生衣翠戶重

題孤舟山菴壁

屈曲花源自探看雪前松亞竹珊珊貌清如鶴不迎客意嬾

千雲只戀山入靜
腐廢來往件望遙
烟樹有無間
投師信宿
心何歎定水清襟與共閑

張仲謀陳用舟翟西雍余蓉裳雨中集舍分韻

難得聽春雨朋簪共說詩
雨能停客屐詩足解人頤
鼎熱銷商陸牆危絆陟釐
寂寥供客眼紅濕幾斜枝

和友村居分韻

郭東舊業廢春苗不識流鶯
鮮寂寥江上酒香楊葉社港中
魚賤荻花標看山風起驅朝霧
種藥泥融應夜潮
沙田夜常
潤澤土人
名夜
會得故人濠上思未嫌草草混漁樵
湖土

萬峯山房納涼分韻

冒暑來消暑新隄穿藕花
熱風初地歇涼翠一屏遮
談件真成戴香林卽是家
虎跑泉味好喜爲淪春芽

靈芝寺牡丹同王古鐵賦

崇新巷轉寺門幽無賴春愁一檻收始信佛家真富貴此來
老子亦風流談禪已識空爲相啄句先教花點頭獨念犁眉
不同賞薄雲孤館漫生愁

用劉文成句意

送古鐵入閩赴鄭進士天飛聘

纔聽流水伯牙弦愁覩行旌颺客船溪樹暗迎梅子雨嶺雲
紅入荔支天攜詩太樸重尋勝置驛當時獨好賢爲念草堂
多硯伴相思長向兔華圓

詠鐵畫和梁太史山舟

以空爲紙鐵爲墨草木蟲魚隨手得挂名畫苑喧市師翰林
主人新有詩畫是強名詩絕妙毫端百物無遺照燕湖湯叟
向著墨銀刻法古能出新巉巖山峯削鐵立鐵樹花開鐵鳳

集至哉黑金用不窮太阿龍泉天下雄餘事猶能弄狡獪慘
淡經營鬼神會桃氏築氏斂手看朱門高懸卜夜觀白沙作
蒙籠靈燭元光幢幢搜四幅鐵圍山中物賦形白象幻出闕
婆城鄉人僻處何由見只共孤榮守老兵

偕古鐵過伴雲菴

已觸梅檀氣猶紆幾折籬池光受花影石角避藤枝存沒朋
筵在遷流歲箭遲金容現微笑笑我鬢添絲

跋翠山房逢柳潔夫

山頭破寺圍蘿蔓鐘鼓聲消南渡恨殘僧賣藥畱逸入江鮮
野菜桃花飯昔年走雨停兩屐三十春秋不畱寸柳下先生
名早瞰文字家中逢荷頓松崖爽朗卽班荆局背山寮怕拘
閩南來夏白江流遠西去浮青雲色嫩湖瀕有客采蘋歌笛

裏誰家柳花怨書生感觸敢大言古猶鑽研發高論炎威終
見冰山冷浮艷還如朝權褪未能八尺甘脂韋豈有六經歸
稗販旁觀不耐冷笑人識見倍徙或千萬家庭亦認濟叔癡
勢力休誇董公健青帘正近沙嘴飄欲破閒愁消酒券

曝書和翟晴江

曝衣舊記火流初兼取塵編曬廣除完整先陳前代本叢殘
偶拾故人書壁魚食字仙難化穴鼠搬蟲拙更如多笑龍鍾
曾不厭爲渠憔悴一生虛

施

安

字竹田號石友又號南湖老
漁仁和監生著舊雨齋詩

杭州府志文苑傳施安甫踰冠詩格已成
詩人吳焯嘗數後來之秀當以竹田爲首
舊雨齋詩自序畧曰予幼讀司空表聖詩品
慨學爲吟諷中年以來事故漸多衣食奔走
之念膠揭
子得中顧山水燕游友朋贈答間有所作亦不自收拾
予友雲亭明府見而喜之損俸以授梓人因命兒子學

蕭學韓檢篋中所有自庚戌迄
今之作汰其六七釐爲八卷

答萬峯

吳山堂畔攬吟巔小別星霜五稔餘
繞屋尙多茭後竹堆牀
還讀借來書下田水滿妨收稻
秋港花深晚禁漁
如此景幾人飛札問岩居
近歲湖中漁戶輸官者編竹爲籬以禁私捕夏秋多雨豐稔尙未可期故并改之

邗江土穀祠大樹相傳爲千餘年物
同松阜研北賦之
城西古社神貌崇當門一樹盤蒼穹
鵲巢忽墮夕陽外
鴨脚半黃秋影中
臃腫詎免野火劫
窈窕綴以丹青工
我來摩挲紀甲子
移根或者青羊宮

王晴山招集平山堂索賦長歌時與會者百餘人

雨雨乍止林扉開松影滿地橫
古釵我來適當清暑候沙路

鬆快便輕輟平岡蜿蜒通蜀道其間樓閣位置佳隋家歌舞
已灰冷指點往事摧客懷卷簾一笑山色近攀裳涉波爲吾
儕誰寫吳粧入小筆煙嵐一擦明鏡指廬陵玉局本詞客白
頭山綰刺史綢當年手種不可見泠泠修竹無根荄至今山
川闕清氣風雅往往俱談諧漁洋老人最後起治春七字非
淫哇我生已恨歲時晚清游安得杖履皆今年懷餅廣陵市
道逢耆舊拍手如洪厓先生白下賢訪古邗水涯好詩兼好
客盡觴興不乖圖書五車喙三尺劇談混沌驅風霾堂前似
省舊游處惜無柳影闌苔堦江山百年有此樂今之視昔誰
相差座中競鬪淮海句而我擬學劉伶埋蘭亭梓澤有故事
丹青絲竹何爲哉昨者見獵弄柔翰五子粧點同優俳先生
未許負夙諾枯魚屢索閱屢排何時孟公復陷我觥船一棹

國朝車馬金 卷三
浮清淮載月時乘黃篋舫折花不須紅粉娃長箋急報釣魚
叟江湖襍被行當偕

十研齋詠蠶豆得豆字

荷鋤隨園官學種一頃豆暇讀月令書小摘春雨後平疇交
桑陰細埂通溪澗却趁吳蠶眠嘗新當麥候色翠奪筠簾土
香雜蒸餺詎惟供殘牙兼可脩寒糗社僧南屏來滿把出煙
岫空庖屏魚蝦一飽懽童幼風味配茶杯清甘猶可漱

皋亭山觀競渡

綠蒲節近雨踈踈忽破晴光一夕餘野渡人喧鬪市後柳陰
風泊酒船初新愁已罷湘靈瑟遺事猶傳荆楚書看盡水嬉
還小立樊川歸路重踟躕

蘆笛分用坡翁和子由記園中草木詩韻

我家江南岸種蘆成青林過雨抽春苗綠淨顏自矜參差各
抱節守孱如不任充厨苦味淡聊以供吟襟蕭瑟水煙窟誰
遺白玉簪空叢掠漁艇影共波淺深但看飛秋雪過眼分衰
興汀洲野鴨多畫手知誰能

南香草堂食秋蓴分得九佳卽寄穆門

新涼有約過莎齋却喜蓴羹下筯脩家近煙波供客易味宜
鹽豉入秋佳聞來方物添詩料醉裏貧交戀別懷倘爲西風
緩歸棹早煩鄉信寄吳輓

時穆門客吳松

芡酪用歐陽公初食雞頭詩韻同月田先生葢林寸田

甌亭作

吾鄉六月雞頭肥青葉田田滿沙背風味最數錢塘湖蓮房
菰米差可擬樓中煮酒快嘗新赤手森然出波底誰傳方法

白廚爇作糜乃與防風比初看遶磨卷飛雪忽訝輕綃漉清
醴琉璃盃盛白玉光和以蜜味甘冰齒此時合眼卽江湖十
宿漁船紅藕裏不須遠憶會靈園劈破明珠定誰美吾儕說
食繼歐陽詩味清虛聊可喜定知舌本戀餘甘一杯漫飲雞
蘇水

繡谷亭藤花歌得月字

春來風物相牽拂乞花償酒過三月吳郎道南相招攜紫藤
一樹花正發亭中捲幔香四周山蜂忽喧晴霞坼漏日悄悄
出短簷綠塔疊疊盤高格白頭種樹記前人一歲一看轉蒙
密我昔曾泛賀家湖青藤老屋未蕪沒池光汎汎花濛濛
得春痕在畫壁眼中惆悵人代非三絕難辨古狂客何如君
家此藤樹數世長養閱霜雪况復好事繼若翁畱客盤飧供

荀蕝興酣更遣吹紫簫吹落繁英撲巾襖

永興寺訪馮具區先生手植綠萼梅

白雲橫溪溪不斷上有精廬隔修坂支筇幾里始入門忽見
梅花開兩水我憐祭酒手植時看徧東風供繾綣一株崛強
如凍蛟冰雪滿身香不散一株枯腸半生死別有孫枝著花
晚地冷何嫌苔蘚侵春歸頓覺芳時遠花光老人畫不如誰
將水墨寫偃蹇旃檀清供在護持百年天遣梅魂返當年題
詩邀東澗前輩風流今已罕眼中耆舊况飄零應共此花增
悽惋相期買宅西溪西燒筍年年就僧飯

二月二十八日舉亭舟中看桃花以舟行著色屏風裏
人在回文錦字中爲韻分得屏字

春寒二月愁未醒花時但有風雨零同人急踐開沽約小舫

出郭穿回汀司家橋外不數里瞥見一株猶伶俜我疑桃源
 在人境茅簷雞犬聲可聽居民託業唯老圃徧栽桃李成畦
 町行窮溪路轉蒙密高下掩映桑柘青縞夜眩晝各有態相
 對何啻尹與邢春流詰曲繞浦淑野約斷續通郊坰遠嵐一
 掃出花上雲霞渲染開重屏散步偶逢田父語紙窗破屋風
 冷冷吾儕看花歲一至那能撲被恣留停灾年行樂堪一笑
 乞漿何處逢娉婷舉亭丙舍僅只尺寒松夾路烟冥冥故人
 莫訝生理拙抱甕行且隨園丁

嚴際昌

字而大號味邨仁和人

朱文藻傳畧曰先生祖初菴公工詩古文康熙丁巳舉
 大科以病不起先生讀書頗悟配與儒人工詩蓄錄諸
 同詠先生著述有五經提要三禮注研輯傳錄諸
 書晚年真所作爲存存堂集富于藏弄元鈔宋槧皆重
 貴購之丹鉛遺蹟展卷猶
 新目詳尚友堂書錄中

過常山次瀟香原韻

夜雨愁行役朝晴喜見山肩輿從北郭曲道向西灣地執連
三省重防設兩關漸看遲日暮飛鳥倦知還

自靈鷲山送江萼樓葬目雨歸舟

冷雨寒風潑潑來密雲深處一舟開山光慘澹天連水鳥語
鞦韆霧沒臺積雨不榮荒草宿斷帆猶繫故人哀湖心飄渺
烟波黯柔櫓輕舳駐古槐

新正詣汪晴江先生新宅見門簿題句卽次原韻

曉風寒沁北窗西雪壓簷如白堊泥吟倦不知今雨集有人
門外次新題

我去君家半里西望衡門宇雨新泥奔波同痛桑榆晚錯認

君題是我題

原唱有桑榆奔走真難事
惠顧先邀簿上題之句

沈

碧

字秋河仁印諸生有只可福

別家人之括蒼

珍重山妻健自持癡兒惟仗母爲師讀書苦與君同受行路
難非爾所知風急一帆人去後月明千里夢回時深閨寂寞
休惆悵記取團圓正有期

平昌竹枝詞

平昌山深暮雨迷平昌渡淺朝雲低朝朝渡口撈鮮鯽暮暮
山腰打竹雞

絕壑何年白馬逃近峰今數眠牛高妾似眠牛還帶領郎如
白馬不歸槽

張濟川

字東之號南皋仁利諸生昔南皋詩鈔

桑綱元傳畧曰南皋生姓張端甫之子也平向有別業在東皋間餘山書屋友教四方之士生居焉際三里而

近從予遊論文講學烟晨月夕吟譙流連羣呼為南舉
主其父以江右林學使聘問文會予主大梁書院父摯
之來遊當途交口稱其才館于輝縣之孟氏百泉故多
佳山水而主人夙構省園有池亭花竹之勝生題咏殆
遍夏忽病暑遂捐館舍所作文多
散逸存詩四卷許許州蔡板行之
王會祥墓誌銘署曰女夫姓張氏居負郭之南園自稱
南舉生工部桑先生者女弟之舅也乞假歸生從之遊
為詩多至性語歲已巳從其父端甫客江右庚午從桑
先生於大梁甲戌館於輝縣孟氏六月望病暈不起生
娶于王為
予次女

奉懷盧丈敬甫存心息冥壽朋

旅夢牽三載音書滯一涯青山追杖履皓月想襟懷遠客心
情惡小園風味佳何當率樽酒數老聚茅齋

送郭二之考城予亦南旋

人生無定在我亦即南行鄉思元同苦秋懷亦共清萍蓬飄
遠地鞍馬別孤城何日重聯袂依依話客情

謁夏峯孫先生祠

大道不絕如絲懸先生獨俾洛學傳徵書屢下臥不起百泉
卽是清冷淵蘇門代有高人躅一姓輝映無後先我生不識
古流派攜瓢酌取雲中泉

周二學

字幼聞號藥坡又號晚菴

潘庭筠曰周晚菴少受知於中州李紫葢先生繼得文
訣於金小樹先生得詩法於翁蘿軒龔衡圃兩先生若
梁文莊公金少宗伯倪少宗伯丁龍泓屬獎贈金壽門
諸前輩皆至友也書法學文待詔精賞鑒收藏書畫甚
富擇其佳者仿珊瑚網江村銷夏錄爲一角編兩冊又
別爲一書名一拉栗更著賞延素心錄一卷詳彙潢之
法甚精晚年食貧所藏盡散惟手定詩數卷尙存

過丁二敬身

出郭詣徵士懶乘下澤車風如寒食近雪比梅花疎來不問
奇字坐惟觀好書錦霜慘玉屑何必餉山蔬

林阮林爲畫扇頭兼題佳句因次韻奉答

薪桂米如珠豈能缺不買瑣屑亂幽懷艱難非一載儘有天
池潤苦壓屋子矮不好涉世故寧復計尤悔惟欠困鹽車竟
等凡民待何緣達酣肆捉筆意先餒爭如富邱壑倪王妙兼
采

至後同吳琳崑薛廷章汪子宜沈簪瑤游湖南法相寺
坐竹閣各賦二詩用壁間李檀園書東坡谷林堂詩

韻

山行誤亦佳何必問生疎佛屋非其故林木好於初天台在
人境寺外石亭署曰一見如起予高寒少遊屐時復集香車
半偈參古佛平橋俯清渠雲層接人語身若凌空虛山僧却
愛客煮茶進談餘堆案無俗物梵典雜儒書

竹閣如新築竹樹亦蕭疎四壁檀園躋晚年尤勝初規撫形
似間虎賁實媿予延緣日之夕喜不喧馬車松樹落清響溪
流度寒渠浮生雖若夢漫等雲烟虛能辦買山錢何必求其
餘延陵先有作拂硯索吾書

新晴散花灘早步

春泥輒可步風定不吹衣
暝樹鳥成語抱花蜂懶飛
桑畦連麥稜野渡接漁磯
佳日肯虛度樓居看落暉

散花灘阻雨疊前韻

歸錦橋西路春寒欲透衣
天纔分卯色雨忽作絲飛
筍笠尋僧寺魚罾歇釣磯
延緣還北郭雲散放晴暉

戴鵬亭邀食江珧柱余不得同分韻得味字

腥風掀鯨波賈舶逐蜃利
鮮珍貴海錯况乃超品類
馬類豈

嘉名海月亦髣髴食典怪不登鼎餼笑成陴戴子興不淺每
歲必遠致爲開聽鵬亭恍別有天地春花俯近紅晚山含遠
翠未羅櫻筍厨先破蝙蝠邇翠香浮露英舉酒快揚觴紫尊
根脆滑黃頤臠豐膩次第列盤中不止美兼二清歡猶未足
各以詩紀事余見口腹緣豈謂不同嗜瞥眼卽春來老饕定
知味

題汪五西顙購得沈敬南春萱圖真蹟

首名忘憂憂可忘奉萱圖合張高堂匏翁所寶石翁蹟珊瑚
多幸添珍藏君家珂玉有珊定博慈顏開笑日酌彼康爵還
壽母圖購於母太夫人八十壽時花間板興樂歲月不換驂駟金絡首今
之視昔何古今猶是春風人子心春風自髮映高堂石翁圖句也千金詒書
杜門謝美談直使傳詞林詩篇絢爛南陔補媿我卮言何足

取與君兄弟廿年交謂令兄俯仰能無感舊雨

輓王慶徵

北郭遷居隔一城論交不媿古先民功名非願麾談笑邊幅
情修本性情道合全歸堪放手身無欠事肯貪生但留著作
綿家學菽粟書田舌可耕

吳世昌

字升來號旭堂仁和諸生

宋大博曰先生品行爲鄉里推重論詩以和不爲宗無
沿襲雕飾之習曰吾自有真性情有問詩選本孰優者
曰龍經爲聖人則定無偏見此後不免有
偏見矣但熟讀陶杜全集自足成家耳

蜘蛛

鳥羅不在山魚網不在淵飛蟲多誤觸吞噬恣飽餐我嘗思
細物謀生亦孔艱採花蜂往復聚糧蟻盤旋何爲被獨暇坐
護謗安便斯理吾未解靜觀發長歎

禿筆吟

我昔初識字弄筆今未了窮年衫袖烏塗抹亦非少夢羨謫
仙花書媿張顛草才技久不進歲月如飛鳥坐令中書君頭
禿嗟已老積來十八張知歷幾昏曉物舊屢易新蒼鬢吾欲
皓碌碌竟無名文房負斯寶

田嘉穎

字道腴仁和人
有厚本堂集

碧溪詩話先生生平遠慕京師山左有別業在嶺榆里
居之日無多幕游至皖城而終所作詩凡五卷文集一
卷俱藏

于家

野田黃雀行

歉歲收養小童豐
年逃去擬古自遣

黃雀黃雀連遭饑飛來田澤長羽衣剝啄香稻體漸肥翻入
廣野不思歸前有網罟後有機歸來歸來人依依

曾孝女詩

并序

孝女曾氏父名尙增宗聖裔也以翰林出爲郴州牧
孝女年十一二歲值母張宜人臥疾不起孝女侍湯
藥歷四載不倦乾隆戊寅冬宜人病轉劇而孝女委
頓亦殊甚宜人憐之曰兒病矣盍少臥命老嫗侍我
孝女懼拂母意卽帷幕外假寐老嫗就榻前爐火烘
衣倦臥衣燬火及宜人榻孝女驚以手撲火不得滅
守宜人榻前呼救時寒甚漏下已四十刻家人寢正
熟聞變起撞門入則火已及帷宜人自度不能免促
公掖孝女出孝女哭挽宜人臂不肯釋家人負公出
復奔救孝女孝女不許且哭且呼曰速救夫人夫人
出我乃出時宜人已在烈焰中猶見孝女以手捧宜
人面哭不止公大聲呼孝女速出孝女卒不出遂從

宜人焚死火既熄求其骨見孝女以身抱宜人骸卒
不得解觀者皆涕泣不能仰視孝女生于乾隆甲子

八月二十日歿于戊寅十二月廿三日僅十五歲也

宗聖古孝子傳家多義方承武數十世忠孝扶綱常篤生柳

州公作牧揚清光有女名衍綸十齡能文章十二遵母疾侍

奉牀第旁十五母疾革日夕心傍徨憂勞遂羸瘠午夜遭奇

殃假寐帷幕間嫗老事藥湯燬衣延臥榻孝女起驚惶疾呼

救夫人母面尚捧將有人扶女出嚙臂仍入房抹母竟不得

抱侍同死

秀水鄭太史虎文云有扶孝女出者嚙其臂仍入火救母不得出遂同焚焉骨肉既

合并膏血難分張吾人丈夫子聞之痛中腸

乾隆戊辰冬吾母疾亟值夜隣

大發吾救之僅免

緬昔有曹娥拯父溺大江死抱出重險血肉猶無

傷痛此母女魂萬古兩相望安得幼婦碑表此孝女殤邨人

兩浙輶軒錄

卷二十六

田嘉穀

三

感純孝祠祀修烝嘗

鄭太史云今都人祀祠祀之

視古兩不忝蓋曰誰能

揚

翁光選

字秀曾一字醒翁又號者庵仁和人以商籍補錢塘諸生名初進

周慶承曰者庵屢試不售晚年遂棄舉子業以詩自娛遺稿數百首惜未經編輯輯擇其尤者錄之

驟雨

不見河魚落驚看幕燕翻雲低全壓棟風急為關門餘怒雷

猶震飛泉石欲吞病軀涼便好冰簟且溫存

李震鷺

字雲客更字筠客號友鵬秀水人良年曾係有刺訪吟草

梅里詩輯友鵬以善書名詩亦和而不佻

四月二十二日同人小集剡舫卽事敬步徵士題山房

左壁韻

徑僻隔囂塵村深少比鄰蹉跎空歲月疎懶亦天真詩老停

雙屐浮杯得七人清談及蠶箔風俗喜還淳

朱振祖

字龜武號香齋秀水人
與翁曾孫有醒舫吟草

梅里詩輯香齋名公後裔顯異多才楷書絕類率更度
曲自諧音律指頭作畫生動可觀詩學尤是其家事惜
乎工力未深

月下聞笛

何處吹羌笛淒涼風月清梅花飄磳戶楊柳遍江城是夜添
愁思高樓動別情渾疑孤雁起故作斷腸聲

春日過秋錦山房看牡丹

穀雨初晴動曉寒名花幾朵綻雕欄分明好手崔徐畫淺淡
燕支染玉盤

吾家池館曾栽種顚顚春風花數枝輸爾山房宮樣好卷簾

相對日斜時

朱翰宣

字王路秀水監生有菊數葉

梅里詩輯菊聖性彌直意有所向堅不可回獨于詩虛心誦度愛人攻已閉戶而吟百改不厭出之平易得以艱深故言短意長格堅苦旨雋晚歲賣藥市門咿唔不輟歿無子余輯其遺詩刻之

不得陳敬夫消息

我友今無恙經年信未通
江湖波浪濶夜月屋梁空
久客交遊冷娛親晚計窮
何時放歸棹愁煞白頭翁

食粥

歲豐常儉食况復遇飢年
老覺謀生誤貧非造物偏
愁炊將罄粟惜典舊存瓊
歌粥休云苦顏公帖尙傳

杏花

落梅香斷草萋萋斜日孤村燕子低
一樹淺紅欺醉粉重門深鎖繚牆西

題胡良思澱江陶月圖

清江明月緩抽帆小謝風流尙可攀不合移家長水住秋風

冷落舊家山

戚王邇

字履同號素亭秀水諸生有自鳴集

與懋政曰素亭童子時卽制儻有節慨佔畢之餘兼工
騎射年十五以第二人入武庠未幾棄武就文生平讀
書於易學尤深達

南湖卽事

好雨千犁足殘暉一艇歸舊遊皆往蹟新漲上苔磯波細月
同碎天高鳥獨飛不知鷗鷺意枯坐盡忘機

遊虎跑

霜色老楓容寒山日曳筇雲開初見寺綰遠已聞鐘絕徑晨
隨鹿飛泉夜汎龍何當拈小偈茗椀洗塵胸

夜坐

砧聲晚急水風微魚市蕭森正掩扉雲懶近依虛牖宿鴉寒
重合遠空圍一村秋雨相如病三徑黃花陶令饑歷數初心
全自誑休文瘦欲不勝衣

夏

葛字煥如號草廬嘉善諸生著謙受齋藁

陳以剛謙受齋藁序畧曰草廬夏子獨行士也讀書懷敦厚淳懇之志自余率魏塘未嘗一識其面後朝任忌城南書院日以詩文相是正

過梅花菴弔吳仲珪先生墓

誰種梅花此水濱因過禪室弔芳塵碑文未泐華亭蹟庭草
猶凝至正春蠶比迂倪尤古淡詩參老鐵更清新佳僧能守
墳三尺長與陳家光德鄰今舉先生祠墓

過涵青院

在葛嶺下

撥雲來叩羽人宮迴與繁華境不同
曲徑幽深秋樹碧疎簾
慘澹夕陽紅一聲午磬驚山鳥
滿院涼颼泣草蟲安得吾廬
清似此杜門來學葛仙翁

首春過五柳居小酌主人進酒名梅花春戲占一絕示
同遊

釀酒隨時有古方菜花黃過菊花黃
此遊專爲梅花出笑指
孤山是醉鄉

沈孔鍵

字南谷桐鄉人有
小羅浮山人詩鈔

諸錦曰山人古風筆意高妙教行之人隨地流
出具見劉次由其服習于楊園先生家法深也

鴨捕蝗

有序

上元縣產蝗官募捕坊鴨百千羣啖之立盡古民作

鴨捕蝗和之

江頭蠢蠢蝗蟲生田中有禾秋晚成捕蝗乏計老農愁縣官
懸賞求良謀鴨頭能言自薦引千頃蝗蟲十日盡官民聚議
償鴨功鴨言事宜入

九重耕牛私屠國有法牛功廣大鴨功狹鴨軀不比牛軀大
願勿屠牛且屠鴨

雜懷次嚴萊村韻

敝廬不堪處我心頗自娛四壁蓬蒿風雨保無虞讀書懷
古人豈屑吹簫等仰承父母顏俯樂弟妹俱世人慕榮達君
子安其愚

天豈有棄人人反自棄之嗟嗟我四體百事無一宜有書未
能讀有田不能時父耕舌頭破母舂晨待炊父母老尙劬我
壯反蚩蚩

孝順竹歌

柳陰堂前一叢竹撥霧掠雲挺蒼玉斯竹不與凡竹同蕭疎
頗有君子風凡竹歲寒挺孤勁斯竹猗猗具天性凌寒老竹
畏霜雪老竹居內稚外列北風凜冽稚竹當老竹居龍向和
光六月涼颼老竹愛稚竹居內老在外暑寒不爲老竹摧老
不益老衰不衰我欲摳衣拜竹丈唯願世人師竹樣少者當
愛老者身老者對竹暗傷神

范從徹

號采菊山人鄞人官無爲州知州著采菊山人詩集三卷

平望舟中

路入三吳景最幽消磨炎暑片帆遊湖平碧影融垂柳山遠
青痕見沒鷗茶喜得泉清過酒天當欲雨氣如秋笑余不下
江州淚辜負琵琶起別舟

儀徵江行

蘆汀亦可人一望不能了綠葉蘸波心界畫見江小江中憑
片颿舟與青山繞青山無淺深點點出雲表古今勞勞人青
山看應飽豈獨憐余遊迎送意甚好恨不通畫禪一段歸草
草

遊焦山用東坡自金山放船至焦山韻

登臨情性原所耽况復山水名江南得閒纔作鼓棹想愚如
暮回兼朝三春風和緩醇勝酒詩興懶過三眠蠶焦仙高潔
今古少遺蹟憑弔能無慚長松老竹翠滴滴浪花波影清潭
潭觀音巖頭雙峯閣攀躋絕頂遊方酣雲烟變幻天地小豈
僅秀峭詩人談宛委靜度山鳥語寂寥孤眺高僧龕脫離世
網愁自洗飽讀禪味茶可甘滌鑪煎茶試江水香色那論廉

與貧只愁春墮落花老流年似水情何堪斜風急雨峭驅去
爲問新句題茆庵

周

洪字星源山陰諸生
著有綠雪堂集

題二樹山人畫梅

山人愛寫梅幾奪梅花魄胸次具山林紙上生泉石純以篆
隸書運入丹青格發幹如壁窠作花類飛白老勁得自然縱
橫隨所適冰雪暗生香烟雲漫無迹爲我寫南枝等閒不受
迫但覺筆意寬不嫌殘幅窄三絕邈無倫成此梅花癖

筍脯餽友

吾鄉花筍美作脯淡而甘細若仙姬爪圓稱道士簪采當先
過茗焙不後於蠶寄此添清供聊同玉版參

春湖曲

雨水新添尺許高綠波倒浸跨湖橋晚來一片漁燈起照見

湖南柳萬條

劉顯祖

字蘭輝號玉屏山陰諸生著有玉屏山人集

蔡興曰劉玉屏與其弟珠湖射圃爲宛委先生文孫而石帆山人之子也俱能以詩文世其家學

詠史

士當伏草野嘗抱匡時志自視若欲然懷才豈輕試公孫雖
晚成遭逢亦云異儉德在細微烏能風有位未聞古大臣休
聲傳布被賢如董仲舒砥行誠無愧明道不計功嘉言補後
世曲學乃尊崇真儒何損棄

題蠶雞

毛羽何襍絀絳幘黃金距似欲振翰音未解作人語廣庭白
石綠螽斯老鷄瞥見啐啄之百蟲偷眼盡驚怖蝴蝶紛紛過

牆去

聞笛

夜色碧無際寥天雲盡收誰將一聲笛吹出萬家秋漏靜月
當戶風清人倚樓關山無限恨空外聽悠悠

秋烟

荒村斜照斂漠漠起寒烟兩岸昏如失羣山暝欲連鴻歸迷
荻浦人唱辨菱船忽覺隨風動霏微上遠天

遊吼山

峭壁峻嶒映水塘平坡羣坐共相羊山從高處看人小日正
斜時覺影長松響頻隨泉韻遠石牕還帶竹陰涼禪房鐘鼓
何寥落惟有經聲出粉牆

江村

萬頃寒江秋水明稻花香散逐風清數椽茅屋竹深處日午
隔離雞一聲

鍾省

字則文山陰拔貢
生著墨妙山房草

大闢寺

絕磴遮松後殘僧引客前厨香猿守甌燈綠虎窺禪影壁危
穿蔓塲堂暗接泉坐來忘結習銷盡柏爐烟

春暮寄懷陳月泉

苔滋小徑屐痕疎隔歲誰停曲逆車黃鳥未邀春店酒青燈
猶滯夜窗書家鄰西子花偏好吟出冬郎錦不如正值天涯
游倦日待君揮塵滌塵裾

吳尊萊

字象超號槐村會稽
諸生著原村詩鈔

自新日至天台行百里許峯交嶺接幽巖撲人作詩一

首

山行不知遠穿雲入瓊瓏一峯一雲色襲人清濛濛返景忽
照曜嵐彩浮晴空溪聲發何處泠泠雜松風至喧出真靜雅
奏諧丁東耳目去所擾滌意清虛中仙源近可卽風景將無
同明當採藥去洞口桃花紅

銅鼓歌爲商寶意先生賦

兩粵山川多銅鼓伏波所作瘞蠻土土人掘地每得之渣汁
銷融形製古面蒙純綠鵠鵠斑腰簇微紋科斗縷非饒非錫
發鯨鏗若鼓若舉懸樹羽騰空奇響奪將出裂地一聲應風
雨金精不朽鬱欲宣翠色生新潤堪撫嶽底干將世竝驚巖
中太璞人同取先生昔守粵西郡云購此鼓從田父政餘別
蘇自摩挲享客詩成奏堂廡物情顯晦固有神必逢真賞方

能聚君不見矇眊逢逢正奏公柔遠修文休用武

題趙松雪畫陶靖節小像幀上手書歸去來詞

披圖晤對羲皇人幅巾曳杖超埃塵如此腰支詎堪折浩吟
歸去全天真讀史曾經識遺事甲子編年題五字松菊深牽
薄宦情滄桑獨抱遺民義誰歟畫者趙王孫典午衣冠今尙
存王孫誼更天潢切家國興亡幾愴魂丹青能事矜獨擅曠
代傳神如識面想從染翰慰飄零懷古思賢寓深羨勿勿南
渡事如何轡紱承恩異代多空遺羈情哀庾信寧知孤憤託
荆軻陶集內荆軻詩晉陵宋社蒼茫改流傳此卷依然在千
年栗里比蘭亭拂拭銀鈎露光彩朔雪穹廬勅勒陰王孫聲
價重南金可堪玉馬來朝意長慨冥鴻出世心

畫鴈

雙眸張金爪拳鐵筆底森森挾霜雪高堂數尺展生綃座客
無言悄寒絕君看奇鷹類奇士順時養晦知有以若教脫鏹
恣雄豪狐兔秋原盡披靡忍饑餒人亦可憐何當一擊凌雲
烟尋常篆養渠寧屑等身兀立瞻青天涼鷹古臺餘榛莽都
尉儀同徒濫賞畫中之鷹何處求畫筆如鷹鷹體適詩成掩
畫勿輕露高飛恐逐秋風去

小雨

小雨止復作片雲行欲還東風吹眾綠一夕遍湖山啼鳥不
知處春情相與閒悠然值農叟日暮話柴關

新城道中

蒼蒼濕翠濃雲影亂秋峯一路入飛雨不知山幾重水聲喧
廢碓眠色壓羣松欲訪壚江去清溪洗俗容

天姥寺

連天天姥下古寺
靈冥冥風壑互成響
雲嵐無定形名區豁
塵臆遠跡迴仙靈
徙倚長松好何人採茯苓

徐

衍

字後山會稽諸生
著有臥鏡齋詩草

夜過萬松菴

一徑秋聲集
諸天夜色幽
葉墮風不定
水曲月隨流
鳥語禪
中寂鐘聲飯後留
長松千萬樹
憑眺一登樓

題抱影廬贈二樹山人

阮公蠟屐孟公廬
快活人吟安樂居
短褐盡交天下士
名山
廿老腹中書
琴橫竹榻鶯聲靜
花落苔階鶴夢虛
抱膝不妨
兼抱影南陽北郭
雨何如

柳橋

當年何事柳名橋橋畔曾無柳半條知是古人離別處不勞

折贈亦魂銷

商

璉

字季華號又南錄縣貢生官曹縣知縣

劉豹君曰又南爲西園十子之一卒官後詩稿散佚

還家吟

江南畫船如畫屋戍鼓郵旗幾回宿應候初聞鵲鵲鳴到家
正及櫻桃熟且喜連牀有異書莫愁政甯無餘粟隣翁慰勞
具鷄豚世事遷移任陵谷借問王孫胡不歸天涯芳草年年
綠

出宰曹邑書家信後

一官百里報新除君子曾聞慶得與任事方知才識淺親民
漸與梓桑疎田園未免多荒草弟姪休教廢讀書華月韶年

彈指過壯懷空憶請纓初

張裔林

字紹松號卓峰黃巖人

賦學標曰卓峰從秦沐雲先生得詩法尤工琢句往往贈炙人口

刻溪

萬山斷續亂雲堆天路清虛一鳥迴百里長河辭禹穴滿帆
秋色下天台日華映水龍蛇動山勢迎人虎豹來海客莫談
荒渺事茫茫何處是蓬萊

陳維屏

字坦生寧海人

坐雪

漠漠江天一色平似聞落葉下階聲市稀過客青帘卷水接
孤城粉堞明鶴影空林堆玉屑風飄寒幌溼茶鐺郭歌幸得
梁園伴乘興難爲江上行

陳

諒

初名梁字漁所號魁樓嘉興人延
燒孫向中子諸生著魁樓詩鈔

春暮朱石蘿葛傳巖二先生同遊西郊

風簾依渡口土銼有村家豈意煙郊晚猶餘穀雨花
濁醪憑
媿凝苦筍覓僧賒歸趁前溪月休嫌漏鼓撾

胡尊直

字山鼎石門
廩生宗袁子

題畫

家住深山十里餘霜乾木落見幽居待他五月濃陰後
遮却
茅簷好讀書

青山白社夢歸時可但前身是畫師記得西陵烟雨後
最堪
圖取大蘇詩

兩浙輶軒錄卷二十六

兩浙輶軒錄

卷二十六

張喬林陳維屏陳諒加書